

寶星陀羅尼經卷第八

殷八

唐天竺波羅頗密多羅譯

護正法品第十一

爾時世尊釋迦如來告諸大衆釋梵天王毗  
樓勒又毗樓博叉提頭賴吒毗沙門等諸善  
男子我以大悲愍衆生故於此五濁穢惡佛  
刹難得法時願得阿耨多羅三藐三菩提是  
中衆生墮無明闇煩惱怨賊姦狡惱害我爲  
衆生滅煩惱故退諸魔黨建立法幢無量衆  
生諸苦解脫雨大法雨退俱胝魔諸善男子

是故我今以此妙法慇懃付囑汝等手中如  
此十方無量世界過數過量諸佛世尊及諸  
菩薩摩訶薩等普來集者以此金剛法等因  
緣法心建立一切法摧碎陀羅尼印句門記  
法門擁護佛土并諸地味衆生所居者諸過  
惡消滅故成熟衆生故一切不善業盡無餘  
故三寶種久住故乃至一切佛事成就故是  
故汝等受持擁護我妙正法能令善根福行  
增長若溫誦教示爲他說授趣三歸依優婆  
塞護住淨梵行諸善根等福行增長若修初

禪福行增長乃至修滅受想定若須陀洹果乃至佛菩提果福行善根如是等相皆得增長現在所作乃至未來當作然妙法燈能令一切福行增長是故付囑汝等手中如來所覺妙法令熾然故勸發汝等福德增長是故付囑汝等手中若未來世於此法門乃至書寫經卷安置家中以法力故一切惡業悉當滅盡若善男子隨所有處若在村城乃至庶民若欲受持當淨洗身著新淨衣以華布散燒種種香敷種種氈褥嚴師子座開示此法

說此法門乃至書寫經卷受持讀誦若汝等於彼不來聽法擁護法師及聽法者自他惡業盡故汝等則爲欺誑諸佛愚失正道爾時婆婆世界主梵天王白佛言世尊若於今時若未來世隨所有處乃至此妙正法未滅已來若聚落城邑州縣國土邊墻遠處王城宮內若僧伽藍若寂靜處若婆羅門家若長者大家若庶民家若說法師比丘比丘尼優婆塞優婆夷及餘清信善男子善女人等好洗浴好塗身著新淨衣散華布飾莊嚴道場燒

種種香敷種種繒緣設種種味昇師子座廣爲他人開示演說此陀羅尼印若書若讀時

我共無量百千徒衆當往彼處圍繞聽法擁護彼法師故及諸聽法者自他惡業盡故一切善法成熟故大妙正法熾然故入大智明第一道故彼諸城邑乃至庶民家我當擁護彼諸衆生令彼衆生財穀豐饒倉庫盈滿故若我不來聞所未聞即於一切佛世尊前違昔誓願時梵天王即於佛前而說呪曰多地也他 驚咎呵澄<sup>去</sup>聲伽否囉茶<sup>去</sup>擎一

耶弭咗二併併三併婆四併婆五吉利那併婆六婆婆叮

時梵天王說此呪已重白佛言世尊若我於彼說法師處不來聽者不擁護者乃至財穀豐饒倉庫增長故衆生充足故即違本誓願爾時一切諸佛世尊及大菩薩摩訶薩一切天人人非人等同聲讚彼大梵天王善哉善哉爾時釋天主橋尸迦白佛言世尊隨所在處若今現在若未來世乃至村城若我不住聞所未聞即於一切佛世尊前違昔誓願爲

有過者即於佛前而說呪曰

多地也他 佧婆弭舍伎 一 佧婆弭舍伎 二

那攤伽 三 阿母若 四 阿母婆呵 五 阿咗咤 六  
阿咗七 阿捨咗八 嚐那婆囉九 揭偶 切娑婆呵  
時釋天主說此呪已重白佛言世尊若我不

作如昔所願者此即是我自違誓願爲有過  
者是時大衆乃至人非人等咸稱歎言善哉  
善哉釋迦天主爾時毗樓勒叉天王白佛言  
世尊隨所在處若今現在若未來世隨所在處  
邑有此法門我若不往不作擁護世尊此即

是我自違誓願爲有過者即於佛前而說呪  
多地也他歐佧 一 那婆婆茶 二 婆母陀羅細  
兒 三 多四婆樓上擎婆婆囉閣 五 婆  
婆呵

是時大衆乃至人非人等咸共稱歎毗樓勒  
叉大護世言善哉善哉爾時毗樓勒叉天王  
白佛言世尊若今現在若未來世隨所在處  
乃至城邑有此法門我若不往爲作擁護聞  
所未聞即於佛前違昔誓願爲有過者即於

佛前而說呪曰

多地也他闍老伽一阿到伽二阿麼耄伽三  
阿麼麼四婆連社婆五脾毗也耶母闍六婆

婆呵

是時大衆乃至人非人等咸共稱歎毗樓博  
叉天王言善哉善哉爾時提頭賴吒天王白佛  
言世尊若今現在若未來世隨所有處乃至  
城邑有此法門我若不往爲作擁護聞所未  
聞即於佛前違昔誓願爲有過者便於佛前  
前而說呪曰

多地也他邏伽一邏迦邏陀利二邏

多地也他頻頭社婆一怯婆社婆二囉母怯  
三叉婆囉四否迦婆呵五阿鞞末伽婆吒六  
婆婆呵

是時大衆乃至人非人等咸共稱歎提頭賴  
吒天王言善哉善哉爾時毗沙門天王白佛  
言世尊若今現在若未來世隨所有處乃至  
城邑有此法門我若不往爲作擁護聞所未  
聞即於佛前違昔誓願爲有過者便於佛前  
而說呪曰

陀利<sub>三</sub>阿你<sub>四</sub>達陀利<sub>四</sub>那也<sub>五</sub>那達陀利<sub>五</sub>醯  
履多夜達陀利<sub>六</sub>娑伽羅醯履多達陀利<sub>七</sub>  
僧九婆達陀利<sub>八</sub>達摩文耶達陀利<sub>九</sub>娑婆  
呵

是時大衆乃至人非人等咸共稱歎沙門  
天王言善哉善哉爾時於此世界<sup>三</sup>此四天下  
所有一百一十二夜又大將主各將軍衆於  
四天下守衛擁護者復有四萬夜又於此四  
天下居住者復有大神通中最勝諸天龍夜  
叉乾闥婆阿脩羅迦樓羅緊那羅摩呼羅伽

等咸共同聲白佛言世尊若今現在或未來  
世隨所在處有此法門乃至妙法燈不滅  
已來若在聚落城邑州縣國土王城王宮阿  
蘭若處若婆羅門家長者家居士家庶民家  
若法師若比丘比丘尼優婆塞優婆夷復有  
諸信心善男子善女人應好淨洗浴以香塗  
身著新淨衣散華布飾莊嚴道場敷置種種  
旛旛衣服燒種種香種種美味盛滿淨器施  
設妙好師子法座昇此座已廣爲他人分別  
開示此經及讀誦時我等一一與無量百千

眷屬圍繞往彼聽法爲擁護法師爲擁護已  
衆及餘衆生爲擁護故成熟衆生故我等若  
不往彼城邑乃至庶民家及以眷屬不受教  
勑不成熟衆生不令衆生豐饒財穀倉庫盈  
滿又復一切聞諍饑饉疾病他方怨敵非時  
風雨極寒極熱諸災難等若不遮斷我等則  
爲欺誑過去未來現在諸佛世尊違本誓願  
空無所得得白癩病退失神通身體爛壞世  
尊雖復如此我等今者并諸眷屬若今現在  
若未來世於此世界四天下處決定光顯釋

迦如來微妙正法及信此法人當爲擁護供  
給所須所作成熟惡業滅盡我等於此法門  
教示開顯彼說法人又令說法人及聽法者  
財穀豐饒諸所受用悉當增長於佛所說不  
壞不滅法悉當受持時彼一切諸佛世尊一  
切大衆人非人等咸共同聲讚彼天龍護法  
六  
神等善哉善哉汝等如是善所應作爾時懷  
樂菩薩於大衆中即白釋迦如來言世尊云  
何此百俱胝所有諸魔并諸眷屬一切盡皆  
來到此耶佛言善男子此一切魔并諸眷屬

悉來此會懷樂菩薩復白佛言云何世尊此一切魔并諸眷屬於三寶中得清淨信不佛言不也復次善男子此諸惡魔一千眷屬於三寶中而不得意不清淨信反生瞋恨若今現在若未來世乃至此妙正法熾然已來常勤方便伺求其短令我教法及妙正法滅壞故隱沒故何以故往昔已來憎嫉力持故不種善根故爲惡知識所攝故於善離欲無受樂中永無慚望無欲願故彼諸魔心於如來心及菩薩心未曾和順住不淨信不耐脫故是諸魔等今雖不信以見如來大集妙色及得聞此甚深陀羅尼以是因緣彼於後時得清淨信當得阿耨多羅三藐三菩提懷樂菩薩作如是言希有世尊希有善逝彼等於三寶中悉不得意不清淨信反生瞋恨若今現在及未來世乃至此妙正法廣流行

時常勤方便伺求其短令我教法及妙正法滅壞故隱沒故何以故往昔已來憎嫉力持故不種善根故爲惡知識所攝故於善離欲無受樂中永無慚望無欲願故彼諸魔心於如來心及菩薩心未曾和順住不淨信不耐脫故是諸魔等今雖不信以見如來大集妙色及得聞此甚深陀羅尼以是因緣彼於後時得清淨信當得阿耨多羅三藐三菩提懷樂菩薩作如是言希有世尊希有善逝彼等於三寶中悉不得意不清淨信反生瞋恨若今現在及未來世乃至此妙正法廣流行

是因緣故當得阿耨多羅三藐三菩提爾時  
有魔名曰不去曾於佛所極多供養於三寶  
中淨信不動得阿耨多羅三藐三菩提記作  
大仙人形從座而起於釋迦如來前合掌偏  
觀如來世尊威力加故於一切佛刹大聲偏  
滿作如是言諸佛世尊一心念我一切菩薩  
摩訶薩及天龍夜叉乾闥婆阿脩羅迦樓羅  
緊那羅摩呼羅伽人非人等魔及眷屬聽我  
所說今此世尊釋迦牟尼大悲導師往昔之  
時誓願如是於極穢惡五濁佛刹得阿耨多

羅三藐三菩提作逆衆生詐謗妙法謗無聖  
人具不善根惡行相應心相續成就者普令  
出過三惡道故成熟三乘故修忍三昧陀羅  
尼故引向清淨諸佛刹土令三寶種久住不  
斷成就大願斷除一切穢濁佛刹成滿一切  
功德莊嚴是故我等當如是作爲令如來正  
教久住及妙正法得不滅壞若今現在若未  
來世無有若魔若魔眷屬於如來所受正法  
欲滅壞隱沒乃至不能惱一衆生惟除少隨  
順不具信者若持此妙法者隨順此法者說

此法者聽此法者比丘比丘尼優婆塞優婆夷及餘信心善男子善女人勤修三業能自策勤坐禪誦經營理塔寺恒勤作福勤事供養佛法僧寶勤斷三界煩惱繫縛勤斷一切衆生諸苦悉令解脫者彼等行人若爲魔使

貳八

若魔女魔男若魔眷屬欲惱亂彼伺求其短障難善業作亂心因緣者爲彼等故我今現前請諸世尊當與我力善業成就憐愍我故一切菩薩摩訶薩等并一切魔及魔眷屬一切天龍夜叉乾闥婆阿脩羅迦樓羅緊那羅

摩呼羅加人非人等所有一切來此佛刹者及大地衆爲欲利益諸衆生故佛教正法得久住故當憐愍我今欲說呢與我成就若魔若魔眷屬欲惱彼等人及聽法者我當降伏令其心亂令其身苦令身惱縮退失神通故說此咒句若諸惡魔并魔眷屬魔男魔女若魔使等若於佛教起一念惡不清淨心惱亂諸比丘比丘尼優婆塞優婆夷乃至但起一剎那心欲作惱亂退失善分若於城邑國土乃至在王宮內邊彊靜處隨所在處有此法

門開示分別若於此等起破壞心乃至一刹  
那於彼諸方聞諍疫死饑儉諸病他方怨敵  
非時風雨極寒極熱暴水卒起地動地吼火  
星流墮有如是等諸惡相起或於華葉菓實  
諸穀藥味欲於彼等起破壞心時即令彼魔  
乃至魔使鬱熱所燒重汗爛臭無所能作不  
能起舉五繫縛之令其自見乃至一切支節  
躊躇不能舒展令得黑闇不覩光明退失神  
通心意錯亂令彼六根不能緣境即說呪曰  
多地也他阿摩離一阿鞞佉<sub>甘</sub>麼離二阿鞞

麼離三阿闍婆婆四阿闍婆婆五茂囉婆離  
六鞞夜佉婆離七社麼婆離八呵呵呵呵呵  
呵九瞿囉婆吒十社那咤伽十一余也咤伽十  
比城<sub>蜜</sub>余也婆婆咤伽十二阿茂叉囉十四叉  
叉又叉又五茂囉婆羅十六咤伽婆婆咤若廿  
婆婆跋履跋嚙茂囉八十阿鞞若若婆由若若  
九艷陀羅嚙履也若若二十那婆<sub>上</sub>呵鞞若若  
二十艷囉叉若若二十婆婆若若二十部嚙  
句胝嚙他<sub>上</sub>多若若二十薩婆余牒囉地上  
史耻多五十若若婆迦囉麼六十底履健嚙

叉婆七十叉摩叉摩若八十差切凡比哆

摩羅毗沙也九十七婆婆呵

爾時不去魔說是呪時於剎那頃由得一切智擁護故諸魔境界悉皆滅壞無所成就如是如是所有欲作不利益者皆不成果是時一切諸佛世尊咸共稱讚善哉喜哉及一切菩薩摩訖薩天龍夜叉人非人等亦共稱讚善哉善哉是時大地皆大震動四海涌沸諸須彌山王魔及眷屬悉大驚動是時惡鬼神等亦復如是惟除於佛教法清淨信者及得

忍菩薩不生驚怖爾時魔王問堅固慧菩薩言善男子何等因緣此不去魔有是勝力是誰加被此無慈悲令我部黨及我境界力之所作一切散滅悉皆退壞乃更建立沙門瞿曇黑黨親眷說斷惡見我即聞此陀羅尼時令我身體臭惡爛壞無所能爲一切諸方爲我黑闇不見諸光大熱所燒耶爾時堅固慧菩薩答魔王言此是一切諸佛世尊神力加護亦是一切人非人等與此不去魔力故令汝等一切諸魔境界之力如所欲作悉皆摧

碎今說此不退陀羅尼句時汝今應生清淨信心於如來所發阿耨多羅三藐三菩提心汝今若能如是作者此身口意諸苦惱觸悉當解脫是時魔王答堅固慧菩薩言我今寧當忍耐此苦令身口意受於無量無數大苦惱事至於最後後邊際劫我終不發阿耨多羅三藐三菩提心

### 阿吒簿俱品第十二

爾時夜叉衆中大將軍主名阿吒簿俱而作可畏夜叉之形復有夜叉名曰爲想而作鹿

形復有夜叉名曰智炬作獮猴形復有夜叉名捨渴愛作羖羊形復有夜叉名曰斷流而作象形此五夜叉是善丈夫去釋迦如來不遠於憍陳訥如來前坐此等五人一切身分皆出清淨微妙香光各以兩手捧光明大寶爲供養世尊故爾時懷樂菩薩摩訥薩以清淨心觀彼五人清淨所依乃是菩薩摩訥薩即告阿吒簿俱大夜叉軍將言善丈夫汝等今者見何等義現如是相威儀所作供養世尊時阿吒簿俱答懷樂菩薩言善男子於過

去世九十一劫於此佛刹有佛出世號毗婆  
尸如來應供正徧知彼佛世時我等兄弟兒  
一母生於彼佛所俱發阿耨多羅三藐三菩提  
提心爲成熟衆生勤作方便從彼已來於尸  
棄如來所毗葉婆如來所乃至於此大賢劫  
中最初如來名拘留孫彼佛出世從爾已來  
我等本願常作同母兄弟於彼如來我等兄  
弟以種種供養供給所須彼佛世時想善丈  
夫爲優婆塞樂修禪定作如是願願我常於  
大賢劫中作夜叉大將若有夜叉居住空迦

曠野之處於諸衆生常懷惡心無有悲愍種  
種雜類夜叉之形乃至迦吒富單那等我以  
方便現同彼類爲說正法令生淨信得淨信  
已爲受戒法置之吉祥安隱善道乃至隨所  
有處諸畜生趣亦復如是獐鹿虎狼猪羊犬  
等爲其說法乃至恒河沙數惡夜叉等諸畜  
生趣盡同所作爲其說法令種善根彼成熟  
已安置於彼三乘正道然後我得阿耨多羅  
三藐三菩提記智炬夜叉願作獮猴形者爲  
成熟獮猴故捨渴愛夜叉願作羖羊刑者爲

成熟住八難衆生故斷流夜又願作象刑者爲成熟象等故如是萬二千諸大神通夜又居四天下者往昔已來作種種願爲成熟衆生故爲求阿耨多羅三藐三菩提故於彼拘留孫如來前求阿耨多羅三藐三菩提時爲成熟惡夜又故願盡大賢劫彼惡夜又無悲愍心樂作惡法無恩慈心乃至迦吒富單那奪精氣者狂亂他心者作不善心者殺害衆生者乃至邪見者刹利婆羅門毗舍首陀等心狂亂者道路城邑州縣國土等中作狂亂

者作諸灾难星宿日月晝夜度數半月一月時節年歲皆令失度鬭諍謀計饑餓疾病他方怨敵非時風雨極寒極熱和合集起如是惡事種子藥草華蔓汁味悉欲破壞衆生喜樂無病和合於善法欲地味精氣財穀寶物食味法味解脫味皆令滅沒者有如是等諸惡夜又教令受戒置不退地然後我乃取阿耨多羅三藐三菩提記我從彼已來常生諸惡大夜又中爲大軍將乃至極惡迦吒富單那等以三乘法成熟安立置不退地從是已

來見下中上鬼不曾輕欺如所見形我同彼形隨類與語籌量漸進令其歡喜斷除諸惡立慈悲心滿慚望已教令供養佛法僧寶令不退轉隨有夜叉眷屬之處我當往彼以法教示彼諸夜叉隨其住處若見我來咸共白言善來阿吒薄俱由彼稱我名阿吒薄俱故我名阿吒薄俱若今時人無先聖法住於惡戒常行黑業彼命終已生三惡道少分衆生於人中若行雜業者於三寶中時有淨信彼命終已由雜業故雜生諸惡夜叉迦吒富

單那中於世間中倍復增長彼等一切白法之分方便滅壞由彼惡故令時鬪諱倍復增長我又不能於一切時於惡夜叉乃至惡富單那以柔軟語置於白法我又不能於一切時於沙門婆羅門刹利毗舍首陀羅等男女長幼小男小女除其擾亂我又不能於一切時城邑州縣國土道路除其擾亂我又不能於一切時令諸鬼神等心心數法置解脫味善男子我今蒙一切諸佛威德力故已得善入一切夜叉迦吒富單那等方便誨心智善

男子有陀羅尼名金剛怯婆娑履諸鬼心大  
暴惡明呪若有行此呪者諸夜叉女夜叉父  
母夜叉男女夜叉夫婦并其眷屬若羅叉羅  
叉女乃至龍龍女鳩槃茶鳩槃茶女顛病鬼  
瘡病鬼若日日發乃至四日發鬼若迦吒富  
單那迦吒富單那女迦吒富單那父母迦吒  
富單那男女迦吒富單那夫婦并其眷屬不  
復更能惱亂刹利婆羅門毗舍首陀乃至國  
土復次善男子隨所有處若城邑州縣若王  
宮內乃至庶民家此金剛怯婆娑履諸鬼心

大暴惡明呪隨處開示時彼處所有惡夜叉  
迦吒富單那等往昔已來憎嫉隨逐不善業  
者願今悉捨生於慈悲柔軟之心於一切衆  
生起利益心若一切聚落家宅爲天龍夜叉  
迦吒富單那等之所擾亂一切日月星宿灾  
恠毒器仗等之所加害厭懾擾亂及身中風  
病黃病癰病瘡病若日日發或二日三日四  
日發癩病癬疥欬嗽丁瘡腹痛支節等病之  
所擾亂皆得除滅願令人非人等乃至禽獸  
勤修白業斷諸怖畏具足喜樂晝夜受樂布

施調伏攝護身口而無懈怠勤修樂求助菩  
提道又作如是言善男子諸佛世尊隨喜加  
護與我此咒成就業句能除一切擾亂惡法  
遮斷一切不善之分增長一切善法之分我  
今欲說此一切諸鬼金剛怯婆娑羅大明咒  
句釋迦如來當加護我圓音演說若我圓音  
演說此文字聲滿一切佛刹者如是諸來大  
衆聞此圓音演說句義文字皆今歡喜爾時  
世尊釋迦如來告阿吒譚俱大夜叉軍將言  
善男子我等諸佛已加護汝此圓音演說金

剛怯婆娑履諸鬼心大暴惡陀羅尼咒破壞  
黑黨熾然白法善男子汝當勇猛說此能除  
一切擾亂金剛怯婆娑履諸鬼心大暴惡明  
咒遮斷一切諸惡咒句是時阿吒譚俱大夜  
叉軍將即從座起曲躬合掌向釋迦如來以  
大音聲盡此佛刹普皆告知即於佛前說此  
咒句

多地也他豆<sub>上</sub>摩豆摩一駄摩駄摩二度摩  
度摩三你履娜四娜羅努羅你羅五鳩吒你  
鳩吒你<sub>六</sub>摩訶鳩吒泥<sub>七</sub>吒吒吒株<sub>八</sub>摩訶

吒吒九阿婆娑十阿毗阿毗十一履尼履尼十二

摩訶履尼履尼十三履弭履弭履弭十四陀履彌

履徒十五摩訶履徒十六首樓首樓十七摩訶首

樓首樓十八首樓首樓陀十九摩訶首樓首樓二十摩訶首

嘔舅摩舅摩二十一舅麼那二十二履弭履弭二十三

醯履醯履二十四醯履醯履二十五醯履醯履

醯履醯履二十六醯履醯履二十七醯履

醯你醯你二十八母你母你二十九部地履三十

跋嚩婆羅三十一悉履所吒三十二路迦柘履耶

視泥視泥三十三視娜履沙婆三十四視娜視娜

視娜履沙婆三十五婆婆可

是時阿吒薄俱大夜叉軍將說此咒已即白  
佛言世尊隨所有處若城邑及庶民家說此  
金剛怯婆娑履耶大明咒時若有夜叉乃至  
迦吒富單那心不淨信及身口意不受教誡  
不於衆生起慈悲心以是故我今更說倍復

嚴迅大明咒句即於佛前而說咒曰  
多地也他阿上聲肢一阿肢二母泥母泥三阿

肢者上聲泥朽朽四母泥母泥五麼娜履沙婆  
聲朽朽六阿迦羅檀地七阿哆檀地八阿哆

爾時阿吒簿俱夜叉大將說此呢時應時無間一切天龍夜叉迦吒富單那皆大驚怖此佛刹土地及虛空住者悉皆戰怖一刹那頃如是一切諸鬼即於佛前合掌敬仰作如是言南無一切諸佛南無一切諸佛最勝大悲願悲愍我阿吒簿俱夜叉大將說入一切鬼心呪句

願悲愍我阿吒譚俱  
心咒句

爾時一切諸佛世尊從十方來者各從座起現還國相是時大衆在地及虛空住者悉皆

戰怖一切大地悉皆震動從空雨華於虛空中作百億樂燒香末香從空而下光明徧照此佛刹內一切大眾皆悉合掌爾時婆婆世界主梵天王問大栴檀香佛言世尊是諸衆生以何善根當得具足諸佛世尊以幾種法加護衆生於未來世得此法門當受當持當讀當溫誦及爲餘人當廣開示書寫此經書寫已安置家中爾時世尊大栴檀香如來告梵天王言如是梵王一切諸佛加護衆生六界之身調伏魔黨故息滅鬪亂故成熟衆生

故妙法久住故淨無上道故如是一切諸佛世尊諸大菩薩有十種法加護衆生於未來世得此法門當受持讀誦書寫經已安置家中何等爲十一者一切諸佛諸大菩薩懲勸付屬一切天龍夜叉乾闥婆阿脩羅迦樓羅緊那羅摩呼羅伽等常令擁護受持法人不起非法身口意業示誨善法隨所受用衣服飲食常令豐足無病安隱乃至捨己身命護持法人令無過失二者彼人所得念慧樂說趣巧方便得無過失及彼欲樂相應意覺深

忍具足隨所住心如空如地三者以四攝法勸諸四衆及餘衆生得住善法取堅固身三事清淨行菩提道四者得寶幢三昧得是三昧巧能觀察諸三昧門五者彼持法人隨處命終無量無數諸佛世尊諸比丘衆諸菩薩衆常現在前將養說法六者諸佛世尊所說成就句義文字法時悉皆得聞即得一切最勝聖法無受喜樂彼一切業障隨彼命終最後刹那捨壽死識得如法滅猶如死法阿羅漢滅七者如所慚望清淨佛刹隨意化生彼

諸世尊住世將養常說清淨大乘教法彼持法人於此大乘無障礙智具足如虛空心而住八者不久於此功德悉得具足九者彼持法人穢濁佛土不復受生除自本願十者速疾當得阿耨多羅三藐三菩提是爲十法諸佛世尊以此十法加持法人若於今時若未來世此妙正法當得熾然若有受持此陀羅尼法門乃至但書寫此經安置家中一切諸佛諸大菩薩當共擁護彼持法人一切煩惱悉得解脫即是菩薩摩訶薩也爾時世尊釋

迦如來告釋梵護世諸善男子此諸世尊皆從十方普來會者憐愍汝等諸衆生故令此世界外物清淨故成熟一切衆生故顯示菩提行退魔黨故建立法幢故顯示一切佛事故三寶種不斷故滅一切病故遮一切惡故擁護一切怖畏故斷一切惡見故入菩提道故滿足如來十力故盡一切煩惱業故說此希有大希有相昔未曾有昔所未聞甚深句義陀羅尼擁護家宅城邑國土及擁護此四天下天龍人非人等殺藥華菓護說法師及

聽法者爲得無著陀羅尼故入如虛空智故以一法式得一切智智故復次善男子以此法門故一切諸佛依入大悲智以十種法護此佛刹中一一諸物增長不壞善男子一切諸佛菩薩於此佛刹徧皆受用無空缺處護持一切善法故一切佛土所受生者於此佛刹當起尊重禮拜如塔廟想如天師想由此佛刹所受生者善能建立一切法故滅除業障五逆罪故具不善法得不愛果盡無餘故住諸善法善男子此等諸佛於此佛刹作大

丈夫業善男子汝等應當恭敬受持此法若

有在家及出家人受持此法者及信此法者汝等應當守護此人汝等當得利益安樂故

爾時俱蘇摩幢如來於此法門稱揚功德說如是偈

淨金滿諸刹 捏供諸如來 不如得此經

福德無邊量

爾時勝寶蓋如來亦復如是稱歎此經無量功德說如是偈

若持金寶聚 施與恒沙佛 不得如此福

如彼持經者  
爾時須彌峯如來亦復如是稱歎此經無量功德說如是偈  
最上華聚蓋 連布覆虛空 普施於諸佛  
淨喜心供養 末法欲盡時 多諸怖畏事  
持此經福量 諸佛不能說  
爾時釋迦如來亦復如是稱歎此經無量功德說如是偈

若起淨心牟尼前 烹如須彌香油燈  
無量俱胝大劫中 熒怡持此以供養

復有餘人樂福德  
希求無障解脫身  
法欲盡時以此經  
爲信者說福勝彼

爾時阿閦如來亦復如是稱讚此經無量功  
德說如是偈

若修持忍慧  
常起精進行  
禪定攝身儀  
及以廣大智  
末世聞諱時  
持此妙法印  
修忍進無等  
智慧亦無比  
爾時淨三昧勇力如來亦復如是稱讚此經  
無量功德說如是偈

開示此經法  
受持及書寫  
授與他相應

復能常讀誦  
燒香以供養  
華蔓及上服  
所得諸功德  
無能度量者

爾時無量無數諸佛世尊稱揚此經功德利益無量無邊既稱讚已即告釋梵護世諸善男子汝等一切受此法門盡煩惱障一切業障於後末世若有衆生但聞此經盡煩惱障一切業障佛說此經已一切世間得信善男子大人阿脩羅乾闥婆等聞佛所說歡喜奉行

寶星陀羅尼經卷第八

永樂北藏

寶星陀羅尼經

第二六冊